



REPUBLIKA E SHQIPËRISË
KËSHILLI I LARTË I PROKURORISË

Nr. 162/1 Prot.

Tiranë, më 05.022026

VENDIM

Nr. 22, datë 29.01.2026

**“PËR CAKTIMIN E PËRKOHSHËM NË POZICIONIN E DREJTUESIT TË
PROKURORISË PRANË GJYKATËS SË SHKALLËS SË PARË TË JURIDIKSIONIT
TË PËRGJITHSHËM VLORE”**

Këshilli i Lartë i Prokurorisë, i përbërë nga:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar
5. Arta MANDRO	Anëtar (në mungesë)
6. Ledina RIZA	Anëtar
7. Moisi DUDA	Anëtar
8. Vatë STAKA	Anëtar (në mungesë)
9. Olger EMINAJ	Anëtar
10. Erind MERKURI	Anëtar (në mungesë)
11. Erion FEJZULLA	Anëtar

Në mbledhjen plenare të datës 29.01.2026, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

“Për caktimin e përkohshëm në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Vlorë”

KËSHILLI I LARTË I PROKURORISË:

Pasi mori në shqyrtim Relacionin shoqërues nr. 162 prot., datë 13.01.2026, të Komisionit të Zhvillimit të Karrierës, dëgjoi Relatorin z. Sokol Stojani, si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli i Lartë i Prokurorisë *(në vijim Këshilli)* është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë.
2. Si rezultat i pezullimit nga detyra sipas vendimit respektiv të Këshillit të Drejtuesit në Prokurorinë pranë Gjykatës së Shkallës së Parë të Juridiksionit të Përgjithshëm Vlorë, kjo e fundit ka vijuar të drejtohet nga prokurori Arian Xhaferraj, i cili mbante pozicionin e Zëvendësdrejtuesit të kësaj zyre. Caktimi i tij si Zëvendësdrejtues i kësaj zyre prokurorie është bërë me Urdhrin nr. 16 datë 31.10.2022, të Drejtuesit.
3. Bazuar në nenin 44, pika 4, të Ligjit nr. 97/2016 “Për organizimin dhe funksionimin e prokurorisë në Republikën e Shqipërisë”, i ndryshuar, mandati i Zëvendësdrejtuesit është dy vjet. Për këtë arsye afati i ushtrimit të detyrës së mësipërme nga Zëvendësdrejtuesi i zyrës së Prokurorisë ka përfunduar në datë 31.10.2024.
4. Për të siguruar vijueshmërinë e punës dhe plotësimin e vakancës së krijuar, Këshilli ka caktuar përkohësisht prokurorin Erjon Shqarri për të ushtruar detyrën e Drejtuesit të kësaj zyre të prokurorisë. Së fundi, me Vendimin nr. 323 datë 23.10.2025, “*Për caktimin e përkohshëm në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Vlorë*”, Këshilli pësëriti caktimin e përkohshëm të prokurorit Erjon Shqarri në pozicionin e drejtuesit të kësaj zyre prokurorie, për periudhën 31.10.2025 deri më 30.01.2026.
5. Duke qenë se në plotësim të këtij afati ky pozicion mbetet sërish vakant, bëhet i domosdoshëm plotësimi i tij, me qëllim garantimin e funksionalitetit normal të kësaj zyre prokurorie. Në këtë rast, Këshilli vlerëson të zbatojë mekanizimin e *caktimit të përkohshëm*.
6. Zbatimi i caktimit të përkohshëm për plotësimin e vendit vakant në fjalë parashikohet në kuadrin normativ si vijon:
 - i. Neni 42, pika 2, i Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, ku përcaktohet se:

“... Pozicioni është përkohësisht i lirë kur magjistrati që ka atë pozicion në mënyrë të përhershme, për të paktën 3 muaj, është përkohësisht në pamundësi për të ushtruar funksionin në atë pozicion”;
 - ii. Neni 59, pika 1, i Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, ku përcaktohet se:

“Pozicioni i magjistratit mund të plotësohet përkohësisht, kur magjistrati me pozicion të përhershëm nuk është në gjendje të ushtrojë funksionin për një periudhë jo më shumë se tre muaj, për shkak të:

- a) caktimit në pozicione të tjera;*
- b) arsyeve të tjera të parashikuara nga ligji”;*

- iii. Neni 3, i Vendimit nr. 64, datë 15.04.2019, “Për miratimin e Rregullores “Për caktimin e përkohshëm të prokurorëve”, e ndryshuar, të Këshillit, ku përcaktohet se:

“Prokurori mund të caktohet përkohësisht në çdo pozicion të të njëjtit nivel ose të një niveli tjetër, për të cilin përmbush kërkesat dhe kriteret e parashikuara në ligj për këtë nivel apo pozicion, në të njëjtën prokurori ku ushtron funksionin ose në një prokurori tjetër”.

7. Për të garantuar qëndrueshmëri dhe stabilitet në drejtimin e kësaj zyre të prokurorisë, me propozim të Komisionit të Zhvillimit të Karrierës, Këshilli vlerësoi të përshtatshme caktimin përkohësisht në këtë detyrë të prokurorit Erjon Shqarri.
8. Prokurori Erjon Shqarri ka mbi 8 vite vjetërsi si magjistrat, nuk ka masë disiplinore në fuqi, si dhe plotëson kriteret e përvojës profesionale dhe kriteret e tjera sipas nenit 47, pika 6, të ligjit të mësipërm dhe nenit 3, të Rregullores së mësipërme. Periudha e caktimit të përkohshëm do të jetë 3 muaj, duke filluar nga data 31.01.2026 – 30.04.2026.

PËR KËTO ARSYE:

Bazuar në nenin 149/a, të Kushtetutës, në nenin 59, pikat 1 dhe 4, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, në nenet 164 pika 8, 166 pika 2, 184, 189 pika 1, germa “a” të Ligjit nr. 115/2016 “Për organet e qeverisjes së sistemit të drejtësisë” i ndryshuar, si dhe nenin 3, të Vendimit nr. 64, datë 15.04.2019, “Për miratimin e Rregullores “Për caktimin e përkohshëm të prokurorëve”, e ndryshuar, të Këshillit, me propozim të Komisionit të Zhvillimit të Karrierës, Këshilli i Lartë i Prokurorisë,

V E N D O S I:

1. Caktimin e përkohshëm të prokurorit Erjon Shqarri në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Vlorë për një periudhë tre mujore, duke filluar nga data 31.01.2026 – 30.04.2026.
2. Për periudhën e përmendur në pikën 1, të këtij vendimi, prokurori Erjon Shqarri të paguhet me pagën e pozicionit ku është caktuar përkohësisht.
3. Të njoftohen me këtë vendim Prokurori i Përgjithshëm, Prokuroria pranë Gjykatës së Shkallës së Parë të Juridiksionit të Përgjithshëm Vlorë dhe prokurori Erjon Shqarri.

4. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 29.01.2026.

KËSHILLI I LARTË I PROKURORISË

KRYETAR
Mirela Bogdani



ZV/KRYETAR
Erind Germenji

ANËTAR
Sokol Stojani

ANËTAR
Zeqir Hoda

ANËTAR
Ledina Riza

ANËTAR
Moisi Duda

ANËTAR
Olger Eminaj

ANËTAR
Erion Fejzulla